

卷八十三

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷八十三
 內容分類 集-總集-各代-唐
 索書號 集部-總集-35
 編號 D7841100

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

忽觀雲間數鴈迴更逢山上一花開河邊淑氣迎芳
草林下輕風待落梅秋憲府中高唱入春卿署裏和
歌來共言東閣招賢地自有西征作賦才

唐詩品彙八十二卷

唐詩品彙八十三卷

正宗

崔顥二首

黃鶴樓嚴滄浪云唐人七言律詩當以崔顥黃鶴樓為第一

昔人已乘白雲去此地空餘黃鶴樓黃鶴一去不復

返白雲千載空悠悠晴川歷歷漢陽樹芳草萋萋鸚

洲日暮鄉關何處是烟波江上使人愁劉後村云古人服善

李白登黃鶴樓有眼前有景道不得崔顥題詩在上頭之句至金陵乃作鳳凰臺以擬之今觀二詩真敵手甚也劉涇溪云但以滔滔莽莽有疎宕之氣故勝巧思

行經華陰

岩冕太華俯咸京天外三峯削不成武帝祠前雲欲

散仙人掌上雨初晴。河山北枕秦關險。驛樹西連漢
時平。借問路傍名利客。無如此處學長生。

李白六首

登金陵鳳凰臺 范德機云登臨詩首尾好結更悲壯七言律之可法

也者

鳳凰臺上鳳凰遊。鳳去臺空江自流。吳宮花草埋幽
徑。晉代衣冠成古丘。三山半落青天外。二水中分白

鷺洲。縱為浮雲能蔽日。長安不見使人愁。 劉須溪云其開口雄

僻脫落瑣飾俱不論若無後兩句亦不必作出於崔顥而特勝之以此

送賀監歸四明應制

夕辭榮祿遂初衣。曾向長生說息機。真訣自從茅氏

得。恩波應許洞庭歸。瑤臺含霧星辰滿。仙嶠浮雲鳥

嶼微。借問欲栖珠樹鶴。何年却向帝城飛。

別中都元明府

吾兄詩酒繼陶君。試宰中都天下聞。東樓喜奉連枝

會。南陌愁為落葉分。城隅綠水明秋日。海上青山隔

暮雲。取醉不辭留夜月。鴈行中斷惜離群。

題東溪公幽居

杜陵賢人清且廉。東溪卜築歲將淹。宅近青山同謝

眺。門垂碧柳似陶潛。好鳥迎春歌後院。飛花送酒舞

前簷。客到但知留一醉。盤中祇有水精鹽。 劉須溪云律德麗意

揚

鸚鵡洲

鸚鵡來過吳江水。江上洲傳鸚鵡名。鸚鵡西飛隴山去。芳洲之樹何青青。烟開蘭葉香風暖。岸夾桃花錦浪生。建客此時徒極目。長洲孤月向誰明。劉須溪云猶是鳳臺餘韻情景覺稱終覺豪勝此以正平吊正平者

題雍丘崔明府丹竈

美人為政本忘機。服藥求仙事不違。葉縣已泥丹竈畢。瀛洲當伴赤松歸。先師有訣神將助。大聖無心火自飛。九轉但能生羽翼。雙鳧忽去定何依。

賈至一首

早朝大明宮呈兩省僚友

銀燭朝天紫陌長。禁城春色曉蒼蒼。千條弱柳垂青鎖。百轉流鶯逐建章。劔佩聲隨玉墀步。衣冠身惹御爐香。共沐恩波鳳池上。朝朝染翰侍君王。

王維四首

和賈至舍人早朝大明宮之作

絳幘鷄人報曉籌。尚衣方進翠雲裘。九天闔闔開宮殿。萬國衣冠拜冕旒。劉須溪云帖子語頗不癡重 日色終臨仙掌動。香烟欲傍衮龍浮。朝罷須裁五色詔。珮聲歸向鳳池頭。

和太常韋主簿五郎溫泉寓目

漢主離宮接露臺。秦川一半夕陽開。青山盡是朱旗

唐詩卷三
三
統碧澗翻從玉殿來。新豈樹裏行人度。小苑城邊獵
騎回。聞道甘泉能獻賦。懸知獨有子雲才。

大同殿生玉芝。龍池上有慶雲百官共覩。
聖恩便賜燕樂。敢書即事。

欲笑周文詩。燕鷁還輕漢。武樂橫汾。豈知玉殿生三
秀。詎有銅池出五雲。陌上堯尊傾北斗。樓前舜樂動
南薰。共歡天意同人意。萬歲千秋奉聖君。

奉和聖製從蓬萊向興慶閣道中留春雨
中春望之作應制

渭水自縈秦塞曲。黃山舊遶漢宮斜。聖輿迎出千門
柳。閣道迎看上苑花。雲裏帝城雙鳳闕。雨中春樹萬

人家。為乘陽氣行時令。不是宸遊玩物華。

李愷 十首

奉和聖製從蓬萊向興慶閣道中留春雨
中春望之作應制

別館春還淑氣催。三宮路轉鳳凰臺。雲飛北闕輕陰
散。雨歇南山積翠來。御柳遙隨天仗發。林花不待曉
風開。已知聖澤深無限。更喜年芳入睿才。

勅賜百官櫻桃 時為文
部郎中

芙蓉闕下會千官。紫禁朱櫻出上闌。總是寢園春薦
後。非關御苑鳥啣殘。歸鞍競帶青絲籠。中使頻傾赤
玉盤。飽食不須愁內熱。大官還有蔗漿寒。

勅借岐王九成宮避暑應制

帝子遠辭丹鳳闕。天書遙借翠微宮。隔窓雲霧生衣上。卷幔山泉入鏡中。林下水聲喧笑語。岩前樹色隱房櫳。仙家未必能勝此。何事吹簫向碧空。

酌酒與裴迪

酌酒與君君自寬。人情反覆似波瀾。白首相知猶按劍。朱門先達笑彈冠。草色全經細雨濕。花枝欲動春風寒。世事浮雲何足問。不如高卧且加餐。

出塞作

居延城外獵天驕。白草連天野火燒。暮雲空磧時驅馬。秋山平原好射鵰。護羌校尉朝來障。破虜將軍夜

度遼。玉靶角弓珠勒馬。漢家將賜霍嫖姚。

訓郭給事

洞門高閣靄餘暉。桃李陰陰柳絮飛。禁裏踈鍾官舍晚。省中啼鳥吏人稀。晨搖玉佩趨金殿。夕奉天書拜鎖闈。強欲從君無那老。將因卧病解朝衣。

積雨輞川莊作

積雨空林烟火遲。蒸藜炊黍餉東菑。漠漠水田飛白鷺。陰陰夏木轉黃鸝。劉涇溪云。寫景自然。造意又極辛苦。山中習靜觀

朝槿。松下清齋折露葵。野老與人爭席罷。海鷗何事更相疑。

春日與裴迪過新昌里訪呂逸人不遇

桃源面面絕風塵。柳市南頭訪隱淪。到門不敢題凡鳥。看竹何須問主人。城外青山如屋裏。東家流水入西隣。閉戶著書多歲月。種松皆作老龍鱗。劉湏溪云

自

過乘如禪師蕭居士蒿丘蘭若

無着天親弟。與兄蕭丘蘭。若一峰晴食。隨鳴磬巢鳥。下行踏空林。落葉聲迸水。定侵香案濕。雨花應共石。床平深洞長。松何所有儼。然天竺古先生。

送少府貶郴州

明到衡山與洞庭。若為秋月聽猿聲。愁看北渚三湘遠。惡說南風五兩輕。青草瘴時過夏口。白頭浪裏出

湓城。長沙不久留。才子賈誼何須吊。屈平

李頎七首

送魏萬之京

朝聞遊子唱離歌。昨夜微霜初度河。鴻雁不堪愁裏聽。雲山况是客中過。關城曙色催寒近。御苑砧聲向晚多。莫是長安行樂處。空令歲月易蹉跎。

寄司勳盧員外

流澌臘月下河陽。草色新年發建章。秦地立春傳太史。漢宮題柱憶仙郎。歸鴻欲度千門雪。侍女新添五夜香。早晚薦雄文似者。故人今已賦長楊。

題濬公山池

遠公遁跡廬山岑。開山幽居祇樹林。片石孤峰窺色相。清池皓月照禪心。指揮如意天花落。坐卧閑房春草深。此外俗塵都不染。惟餘玄度得相尋。

寄綦母三

新加大邑綬仍黃。近與單車去洛陽。顧盼一過丞相府。風流三接令公香。南川粳稻花侵縣。西嶺雲霞色滿堂。共道進賢蒙上賞。看君幾歲作臺郎。

送李回

知君官屬大司農。詔幸驪山職事雄。歲發金錢供御府。晝看仙液注離宮。千岩曙雪旌門上。十月寒花蓋路中。不覩聲明與文物。自傷留滯去關東。

宿瑩公禪房聞梵

花宮仙梵遠微微。月隱高城鍾漏稀。夜動霜林驚落葉。曉聞天籟發清機。蕭條已入寒空靜。颯沓仍隨秋雨飛。始覺浮生無住著。頓令心地欲歸依。

題盧五舊居

物在人士無見期。閑庭繫馬不勝悲。窓前綠竹生空地。門外青山似舊時。悵望青天鳴墜葉。噴坑枯柳宿寒鷗。憶君淚落東流水。歲歲花開知為誰。

祖咏一首

望蓟門

燕臺一去客心驚。笙鼓喧喧漢將營。萬里寒光生積

雪三邊曙色動危旌沙場烽火侵胡月海畔雲山擁
薊城少小雖非投筆吏論功還欲請長纓

崔署一首

九日登仙臺呈劉明府

漢文皇帝有高臺此日登臨曙色開三晉雲山皆北
向二陵風雨自東來關門令尹誰能識河上仙翁去
不回且欲近尋彭澤宰陶然共醉菊花杯

孟浩然二首

登安陽城樓

縣城南面漢江流江嶂開成南雍州才子乘春來騁
望群公暇日坐銷憂樓臺晚映青山郭羅綺晴嬌綠

水洲向夕波搖明月動更疑神女弄珠遊

登萬歲樓

萬歲樓頭望故鄉獨令鄉思更茫茫天寒鴈度堪垂
淚月落猿啼欲斷腸曲引古堤臨凍浦斜分遠岫近
枯楊今朝偶見同袍友却喜家書寄八行

萬楚一首

五日觀妓

西施謾道浣春紗碧玉今時鬪麗華眉黛猶將萱草
色紅裙妬殺石榴花新歌一曲令人艷醉舞雙屐
髮斜誰道五絲能續命却令今日死君家

張謂二首

別韋郎中

星軺計日赴岷峨，雲樹連天阻笑歌。
南入洞庭隨鴈去，西過巫峽聽猿多。
崢嶸洲上飛黃蝶，滌瀨堆邊起白波。
不醉郎中紫落酒，教人無奈別離何。

杜侍御送貢物戲贈

銅柱朱崖道路難，伏波橫海舊登壇。
越人自貢珊瑚樹，漢使何勞獬豸冠。
疲馬山中愁日晚，孤舟江上畏春寒。
由來此貨稱難得，多恐君王不忍看。

高適四首

送前衛縣李宋少府

黃鳥翩翩揚柳垂，春風送客使人悲。
愁別自驚千里望，

外論交却憶十年時，雲開汶水孤帆遠。
路繞梁山足馬遲，此地從來可乘興。
留君不住益凄其。

送李少府貶峽中王少府貶長沙

嗟君此別意何如，駐馬銜盃問謫居。
巫峽啼猿數行淚，衡陽歸鴈幾封書。
青楓江上秋天遠，白帝城邊古木疎。
聖代即今多雨露，暫時分手莫躊躇。

同陳留崔司戶早春宴蓬池

同官載酒出郊圻，晴日東馳鴈北飛。
隄岸春雲邀翰墨，傍簷垂柳報芳菲。
池邊轉覺虛無盡，臺上偏宜酩酊歸。
州縣徒勞那可度，後時連騎莫相違。

夜別韋司士

得成字

高館張燈酒復清，夜鍾殘月鴈歸聲。只言啼鳥堪求
侶，無那春風欲送行。黃河曲裏沙為岍，白馬津邊柳
向城。莫怨他鄉暫離別，知君到處有逢迎。

岑參 十首

和賈至舍人早朝大明宮之作

鷄鳴紫陌曙光寒，鶯轉皇州春色闌。金闕曉鍾開萬
戶，玉階仙仗擁千官。花迎劔佩星初落，柳拂旌旂露
未乾。獨有鳳凰池上客，陽春一曲和皆難。

和祠部王員外雪後早朝即事

長安雪後侶春歸，積素凝華連曙輝。色借玉珂迷曉
騎，光添銀燭晃朝衣。西山落月臨天仗，北闕晴雲捧

禁闈。聞道仙郎歌白雪，由來此曲和人稀。

西掖省即事

西掖重雲開曙暉，北山疎雨點朝衣。千門柳色連青
瑣，三殿花香入紫微。平明端笏陪鵞列，薄暮垂鞭信
馬歸。官拙自悲頭白盡，不如岩下偃荆扉。

奉和 相公發益州

相國臨戎別帝京，擁旌持節遠橫行。朝登劔閣雲隨
馬，夜度巴江雨洗兵。山花萬朶迎征蓋，川柳千條拂
去旌。暫到蜀城應計日，須知明主待持衡。

九日使君席奉餞衛中丞赴長水

節使橫行西出師，鳴弓擐甲羽林兒。臺上霜威凌草

木軍中殺氣傍旌旗預知漢將宣威日正是胡塵欲滅時為報使君多泛菊更將弦管醉東籬

使君席夜送嚴河南赴長水

嬌歌急管雜青絲銀燭金杯映翠眉使君地主能相送河尹天明坐莫辭春城月出人皆醉野戍花深馬去遲寄聲報尔山翁道今日河南勝昔時

赴嘉州過城固縣尋求安超禪師房

滿樹枇杷冬着花老僧相見具袈裟漢王城北雪初霽韓信壇西日欲斜門外不須催五馬林中且聽演三車豈料巴川多勝事為君書此報京華

首春渭西郊行呈監田張二主簿

回風度雨渭城西細草新花踏作泥秦女峰頭雪未盡胡公陂上日初低秋窺白髮盡微祿悔別青山憶舊溪聞道輞川多勝事玉壺春酒正堪携

秋夕讀書幽興獻兵部李侍郎

年紀蹉跎四十強自憐頭白始為郎雨滋苔蘚侵階綠秋颯梧桐覆井黃驚蟬也解求高樹旅鴈還應厭後行覽卷試穿鄰舍壁明燈何惜借餘光

暮春虢州東亭送李司馬歸扶風別廬

柳隼鶯嬌花復殷紅亭綠酒送君還到來函谷愁中月歸去磻溪夢裏山簾前春色應須惜世上浮名好是閑西望鄉關腸欲斷對君衫袖淚痕斑

王昌齡一首

萬歲樓

江上巍巍萬歲樓不知經歷幾千秋年年喜見山長
在日日悲看水獨流
獨徬何曾離莫嶺
鸕鷀空自泛寒洲
誰堪登望雲烟裏
向晚茫茫發旅愁

唐詩品彙八十二卷

唐詩品彙八十四卷

大家

杜甫三十七首

題張氏隱居

開元二十四年
後遊東都作

春山無伴獨相求
伐木丁丁山更幽
澗道餘寒歷冰
雪石門斜日到林丘
不貪夜識金銀氣
遠害朝看麋鹿遊
乘興杳然迷出處
對君疑是泛虛舟

城西陂泛舟

天寶十三年作

青蛾皓齒在樓船
橫笛短簫悲遠天
春風自信來稽顙
動劉涓溪遲日徐看錦纜牽
魚吹細浪搖詩扇
燕蹴飛花落舞筵
不有小舟能盪漿
百壺那送酒如泉